

La ciàv

**Öna matina ve dét ‘na siùra
La sè presenta con en mà ‘na ciàv
La vòl ‘na copia, l’è cönsömada
La ciàv me ‘ntènde.... ma però po’ a lé...**

**Ghè dìse siùra “T’è mila frànc”
Ghè la consègne la töl sö e la va
Dopo mez’ura la turna ‘ndré
L’è ‘ncapelàda, la va mìa bé**

**Ghe dìse “Siùra, èl pöl capità”
Ma lé la düss “Maginàss!!!”
Aànti e ‘ndré per öna ciàv
G’ho i mé mestèr de fa...!**

**Lima Sorio, lima !
Trent’agn che fó le ciàv
Mé só fiöl de Italo
L’è lü che m’ha ‘nsegnàt**

**La scüse siùra se me rinchrèss
Gh’è ‘n fó sö ‘n ótra e ghe fó mìa pagà
Ghè mancarès po’ de pagàla
Con töt èl tép che m’ì fat pèrder zà..!**

**Ghè dìze “Prego èco ché la ciàv”
La vedarà che la va bé
La la töl sö po’ la me àrda mal
“Ma sì bù ché de fa le ciàv...”**

**Rit
Ma però dopo ‘na mezurèta
la tùrna ‘ndré a mò
Staólta la somèa amò piö gnèca
che ghala adès ardóm...**

Ma ‘somèa ma sì bù de laorà ché dènter???
La va mìa bé gna chèsta !!!
Mè somèa che sì dré a dormer
V’ho zà dît che
G’ho mìa tép de pèrder mé !!!
G’ho de ‘ndà a fàga la minestra a mé marito
L’è apéna ignìt fò de l’ospedal !!!

A chèsto punto só mia piö che fà
E vârdè bé sto ciàv
Pòta l’è pròpe bèla cönsömàda
E mè vé ‘n mènt de domandà

Eh la me scüse siura ma
g’ho gnamò domandat ‘na roba
“Che g’hal chi amò...”
No, ulè dîga
Ma chèla ciàv ché funsiùnela ?
Eh no che la funsiùna mìa
Se no gh’ie mìa bisògn
de ‘gnì ché a fa le ciàv !!!!

Rit